



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1601. usque ad annum 1605

Fleury, Claude

August. Vind. [u.a.], 1776

VD18 90118790

§. 88. Congregationes XLVII. XLVIII. XLIX & L.

[urn:nbn:de:hbz:466:1-67204](#)

Sæc. XVII.
A. C. 1604.

§. LXXXVIII.

Congregationes XLVII. XLVIII.

XLIX. & L.

Die vigesima prima Aprilis in Con- *P. Livin.*
 gregatione quadragesima septima *l. 5. c. 32.*
 in quæstionem vocabatur sequens arti- *P. Serry*
 culus: *An Deus essentialiter, exigat ab*
homine, ut prius faciat quod in se est, an-
tequam fidem donet? quamvis enim Deus fi-
dem non conserat propter ea, quæ antecedunt,
nihilominus illam concedere non solet, nisi
antecedant, ut dicit Molina.

Non diffitebatur Bastida, quod Mo-
 lina affirmarit, Deum nunquam dene-
 gare gratiam facienti ex suis naturali-
 bus, quod in se est: demonstrabat ta-
 men, eum nunquam admisisse, quod
 Deus ad dandam gratiam effectualiter
 exigat, ut homo prius faciat, quod in
 se est. Verum hanc fuisse Molinæ sen-
 tentiam comprobare nitebatur Lem-
 sius, eoquod hic Author statuat, Deum
 ex certa lege gratiam prævenientem
 conferre, quoties homo viribus natu-
 ræ facit, quod in se est, simulque actus
 liberos moraliter bonos interiori voca-
 tioni præexigat. Absoluto hoc con-
 gressu die vigesima tertia Aprilis in Con-
 gregatione quadragesima octava deci-
 sum, *hanc propositionem non esse confo-*

Ee 3

nam

Sæc. XVII. nam doctrinæ S. Augustini; sed ab ea quæ
A. C. 1604. longissime discedere, & continere error

Pelagianorum. Molinam vero in sensu Pelagiano illam docuisse, ut ex pluribus locis illius CONCORDIÆ ad invicem collati constabat. Nihilominus tamen Dominus Episcopus Aquilanus censuit propositionem esse Pelagianam; sed addidit sibi non contentare, quod Molina illam asseruerit. Præfata dixit se non invenisse hanc propositionem apud Molinam totidem & formata verbis; legisse tamen aliam deteriorem, qua illa facile deducitur. P. Regens Collegii Carmelitarum dixit, hanc propositionem Molinæ non esse alienam a Doctrina S. Augustini.

Porro in Congregatione quadragesima nona die trigesima ejusdem Mensis disputatum est de actibus credendi, diligendi Deum, quos (licet supernaturales atque ex fine bonos & ad salutem conducentes) Molina tamen libenter arbitrio tribuisse dicebatur: unde in Congregatione quinquagesima die prima Maii decisum, actus hosce eliciti propter Deum, & cum omnibus bonis circumstantiis, esse actus prout oportet: atque adeo elici non posse, sine Spiritu Sancto gratia, & idcirco Molinam errasse, offendendo, posse hominem ex sola facultate naturæ credere, sperare & diligere.

§. LXXXIX.